

INFORMACIJA SAR TE DEL LAV

Avrikidņipen andre le gavengere forengere ačhad'ipena the o avrikidņipen andro Senatos le Parlamentoskero la Čechikona republikakero
paraščovin andro d'ives 23. oktobris 2022 le 14.00 orendar dži 22.00 ori
sombat andro d'ives 24. oktobris 2022 le 8.00 orendar dži 14.00 ori

O hazdņipen predžal ča andro d'ivesa, kana ačhel o avrikidņipen andro avrikidņipnaskere khera pre la Čechikona republikakeri phuv.

Jekhetane le avrikidņipnenca andre le gavengere forengere ačhad'ipena ačhel andro 27 avrikidņipnaskere obvodni tiž o avrikidņipen andro Senatos. Vaš kada avrikidņipen, o avrikidņipnaskere khera the o okrskova avrikidņipnaskere komisiji hine jekhetane. O voličis šaj del lav andro avrikidņipen andro Senatos ča andre kada avrikidņipnaskero obvodos, kaj jov hin prihlašimen kijo permanentno bešiben. Te o kandidatos nane avrikidlo andre peršo kereka butere sar jepaš dine lavenca, kerel pes e dujto kereka.

O voličis vaš o avrikidņipen andro gaveskero foroskero ačhad'ipen hin

- ✓ o štatno themutno (občanos) la Čechikona republikakero, so najnasigeder andro d'ives 24. septembris 2022 dochudela 18 berš u hin les andro gav abo foros permanentno bešiben,
- ✓ o themutno andal aver člensko štatos la Europejskona Uñijakero, so najnasigeder andro d'ives 24. septembris 2022 dochudela 18 berš u hin les andro gav abo foros permanentno abo registrimen prechodno bešiben u mangla kaj te ačhel zapisimen andro dothodo kijo permanento voličengero soznamos.

O voličis andro avrikidņipen andro Senatos hin

- ✓ o štatno themutno (občanos) la Čechikona republikakero, so najnasigeder andro d'ives 24. septembris 2022 dochudela 18 berš, andre dujto kereka tiž o štatno themutno la Čechikona republikakero, so najnasigeder andro d'ives 1. oktobris 2022 dochudela 18 berš.

Sar pes presikhavel e identita

O voličis mušinel andro avrikidņipnaskero kher presikhavel leskeri identita the leskero štatno themutņipen

- ✓ le platnone občanskone preukaziha,
- ✓ le platnone dromengere, diplomackone abo služebnone pasoha la Čechikona republikakero abo le dromengere preukaziha,
- ✓ te džal pal o cudzincos, le preukaziha, so dothovel, hoj le cudzincos mukhle permanentnones te bešel ke amende abo le pažade lileha, hoj šaj prechodnones bešel andre amaro them.

Te o voličis na presikhavel leskeri identita the o štatno themutņiben (občanstvos) le kampfutne dokumentenca, na ela leske domukhlo te del lav.

O avrikidņipnaskere kartki

E avrikidņipnaskeri kartka vaš o avrikidņipen andro gaveskero foroskero ačhad'ipen šaj jel demad'i pre soduj seri. Andre ajsu pripados hin tele pisimen: „Dža pre aver sera“.

E informacija pal le individualnone kandidatengere členstvos andre politicka seri abo politicka čalavibena hin pisimen pre avrikidņipnaskeri kartka čarņaripnaha. Pre avrikidņipnaskeri kartka ole avrikidņipnaskere serengeri, paš save pes paš e registracija rozginda, hoj o kandidatos ačhela čuchindo, ačhel le kandidatoskero šoroskero čislos nazabešto.

O avrikidņipnaskere kartki vaš o avrikidņipen andro Senatos hine demade pro sako kandidatos avrether (individualnones).

Pre sako avrikidņipnaskeri kartka hin le kandidatoskero čislos určimen le loseha. Na kempel, kaj o dodine avrikidņipnaskere kartki keren kompletno čiselno šoros, kana le kandidatoskeri prihlaška kije registracija na ačhiľa registrimen aňi vašoda, hoj o sudos prearakhkerđa avri kadi veca.

Vzorova avrikidņipnaskere kartki the e informacija pal o pripadna tiskova chibi pre avrikidņipnaskeri kartka hine publikimen andro avrikidņipnaskero kher.

Informacija, hoj o kandidatos mukhel leskeri kandidatura abo pal kada, hoj o kandidatos pes lel pale

Andro avrikidņipnaskero kher pes den angle o informaciji pak kada, hoj varesavo kandidatos mukhel leskeri kandidatura abo pal kada, hoj o kandidatos pes lel pale. **Kana pes arakhel avri, sar o volbi dopejle, ta pes o dine lava vaš kajso kandidatos na ginen andre.**

Sar te del lav andro avrikidņipen

Sako voličis del lav korkoro, ņiko aver na šaj te del lav vaš leske. O voličis hazdel avka, hoj thovel e uradno kopertka la avrikidņa abo prikerđa kartkicaha angle e okrskovo avrikidņipnaskeri komisija andre avrikidņipnaskeri baksica. Le voličiha, so naštĭ vašoda, hoj les hin teštoseri chiba, korkoro kidel avri abo prikerel e avrikidņi avrikidņipnaskeri kartka abo naštĭ genel abo lekhavel (pissinel), šaj ačhel andro than, kaj pes o avrikidņipnaskere kartkici prikeren, aver voličis, aľe kada naštĭ jel o členos la okrskovona avrikidņipnaskera komisijatar, u kidel avri abo prikerel e avrikidņipnaskeri kartkica vaš o voličis u la thovel andre kopertka, eventualnones tiž thovel e uradno kopertka andre avrikidņipnaskeri baksica.

Sar te del lav andre hordindĭ avrikidņipnaskeri baksica

Le bare dovodendar, perše te hino nasvalo, šaj o voličis mangel le gaveskere foroskere urados the andro dĭves, kana ačhel o avrikidņipen, leskera avrikidņipnaskera komisija, kaj šaj te hazdel avrether le avrikidņipnaskere kherestar andre hordindĭ avrikidņipnaskeri baksica. E okrskovo avrikidņipnaskeri komisija šaj bičhavel leskere členen la hordindĭ avrikidņipnaskera baksicaha ča andro lakero avrikidņipnaskero okrskos.

Sar te del leskero lav sar voličis andro avrikidņipen andre le gaveskere foroskere ačhadĭpena

O voličis resela la okrskovona avrikidņipnaskera komisijatar čuči uradno kopertka, so pre late hin e uradno pečatka. Te jov kada mangel, e komisija les tiž dela e avrikidņipnaskeri kartka. La uradnona kopertkaha the avrikidņipnaskera kartkicaha džala o voličis andro than, kaj pes prikeren o kartki.

O čislos le členendar vaš o ačhadĭpen le gaveskero foroskero, so kempel te jel avrikidno andro dino gav abo foros, hin pisimen andro šeroro la avrikidņipnaskera kartkicatar.

Kempel, kaj o voličis prikerel e avrikidņipnaskeri kartka pal jekh le maňirendar, so hine ande teleder:

1. Te zakerekinel andro kvadratos andro šeroro le cileskero (v zăhlavĭ sloupce) angle la avrikidņipnaskera serakero nav ča **jekh avrikidņipnaskeri sera**. Avka jov del leskero lav le kandidaten ola avrikidņipnaskera seratar andro šoros, sar jon hine pisimen pre avrikidņipnaskeri kartkica andro čislos, keci hine o členi le geveskere foroskere ačhadĭpnastar, so les kempel te kidel avri andre le gaveskero foroskero ačhadĭpen.

2. Te označinel andro kadri angle le kandidatengere nava kerestoha kajse kandidatos, so jov vaš leske hazdel, kada andal chočsavi avrikidňipnaskeri sera. **Najučeder šaj pes označinel keci kandidati, ajci členi le gaveskere foroskere ačhadňipnastar musaj te ačhen avrikidne.**
3. **Te kombininel soduj maňiri u označinel le kerestoha jekh avrikidňipnaskeri sera** the dureder andro kadrocis angle le kandidateskero nav **aver kandidati andal chočsave aver avrikidňipnaskere seri.** Andre kada pripados o lav pes del le kandidaten, so hine označimen individualnones. Andal e označimen avrikidňipnaskeri sera pes del o lav pal o šoros pre avrikidňipnaskeri kartka ča vaš ajci kandidati, keci mek chibinel dži o čislos le avrikidne kandidatendar andre le gaveskero foroskero ačhadňipen.

Te o voličis označinel le kerestoha o avrikidňipnaskeri sera, na označinel imar andre kadi avrikidňipnaskeri sera le konkretnone kandidaten. Andre kada pripados pes pre kada, hoj o kandidati ola avrikidňipnaskera seratar hine označimen, na pridikhel.

O voličis thovel e prikerďi avrikidňipnaskeri kartka andre šivo uradno kopertka, so sogalinel vaš o avrikidňipen andre le gavengere forengere ačhadňipena.

Te o voličis na označinel pre avrikidňipnaskeri kartka aňi e avrikidňipnaskeri sera, aňi ňisave kandidatos, na thovela e avrikidňipnaskeri kartka andre uradno kopertka, e avrikidňipnaskeri kartka prečhinela abo thovela andre uradno kopertka buter avrikidňipnaskere kartki andro kada isto ačhadňipen, ta leskero lav nane platno.

Sar te del lav andro ačhadňipena le forengere kotorengere the forengere obvodengere

Kana o voličis del lav andre štatutarna fori, so hine ulade pal o than, the andro angluno foros Praha, jov thovel andre jekh uradno kopertka soduj avrikidňipnaskere kartkici, kada hin e avrikidňipnaskeri kartka vaš o avrikidňipen andro ačhadňipen le štatutarnone forostar, so hino ulado pal o than, abo andro Ačhadňipen le bare forostar Praha (kadi kartkica hiňi označimen pre lavo sera vertikalnona ružovona liňajaha) the e avrikidňipnaskeri kartkica vaš o avrikidňipen andro ačhadňipen le foroskere obvodostar abo le foroskere kotorestar.

Sar den lav o voliči, so hine zapisimen andre cudzini pre zaačhadutne uradi la Čechikona republikakere andro avrikidňipen andro le gevengere the forengere avrikidňipena

Našti, kaj o voličis del lav andre cudzini andro avrikidňipen andre gavengere the forengere ačhadňipena. O voličis, so hin zapisimen andro osobitno soznamos andre cudzini, šaj del lav andro avrikidňipen andre le gavengere forengere ačhadňipena, te jov sikhavel le gaveskere abo foroskere uradoske, abo andro d'ives, kana o avrikidňipen ačhel, avrikidňipnaskera okrskovona komisijake o paťado lil le ačhadňipnaskere abo konzularnone uradostar, hoj les čuchinde avri le zvlaštnone voličengere soznamostar.

Sar te del lav andro avrikidňipen andro Senatos

O voličis resela la okrskovona avrikidňipnaskera komisijatar čuči uradno kopertka, so pre late hin e uradno pečatka. Te jov kada mangel, e komisija les tiž dela e sada le avrikidňipnaskere kartkicengeri. La uradnona kopertkaha the le avrikidňipnaskere kartkicenca džala o voličis andro than, kaj pes prikeren o kartki. O voličis thovel andre uradno kopertka **jekh avrikidňipnaskeri kartka vaš le kandidatoske vaš saveske jov pes rozgind'a te del lav. E avrikidňipnaskeri kartka pes ňisar na prikerel .**

O avrikidňipen andro Senatos ačhel jekhetane le avrikidňipenca andre le gaveskere foreskere ačhadňipena. O farbi le uradnone kopertkendar the o avrikidňipnaskere kartki vaš o individualna volbi hine aver. E avrikidňipnaskeri kartka the e uradno kopertka vaš o avrikidňipena andre le gavengere the forengere ačhadňipena hine šiva, o avrikidňipnaskere kartki the e uradno kopertka vaš o avrikidňipen andro Senatos hine šarga. Kampil, kana o avrikidňipena pes keren jekhetane, kaj e šivo

avrikidñipnaskeri kartka pes thovel andre šivo uradno kopertka the e šargo avrikidñipnaskeri kartka pes thovel andre šargo uradno kopertka. Te kada avka na ačhel, nane o lava (hangi) platna. O voličis mušinel, kana thovel o avrikidñipnaskeri kartka andre uradno kopertka, te del pozoris, kaj te na kerel chiba u te na thovel andre uradno kopertka (phenas, hoj e kartkici hine lipinde jekhetane) buter avrikidñipnaskere kartki. Andre kada pripados le voličeskero lav nane platno, na mol.

Nalače hine tiž kajse kartkici, so nane pro kapeľutno formularis, o avrikidñipnaskere kartkici, so hine čhingerde, the o kartkici, so nane thode andre uradno kopertka.

Sar te del lav pro voličeskero preukazis andro avrikidñipen andro Senatos

Te o voličis del lav andro avrikidñipen andro senatos pro voličeskero preukazis, jov mušinel o preukazis te del pale la volebnona komisija. Palis jov resela la komisijatar e čuči uradno kopertka, so pre late hin uradno pečatka the e kompletno sada le avrikidñipnaskere kartkicengeri. O voličis šaj del lav le voličeskere preukaziha andro avrikidñipnaskero obvododos, kaj o avrikidñipen hin avriakhardo u andro themutno obvododos lestar o voličis hin prihlašimen kijo permanentno bešiben. Kada na čalavel le voličis, so rešľa o voličeskero preukazis le zastupitelskone abo konzularnone uradostar la Čechikona republikakero vašoda, hoj o voličis hin zapisimen paš kada urados. Kajso voličis šaj del lav andro chočsavo avrikidñipnaskero obvododos, kaj o avrikidñipen andro dino berš hin avriakhardo.

Sar te de lav andro avrikidñipen andro Senatos avrether le avrikidñipnaskere obvodostar, kaj le voličis hin permanentno bešiben

Kaj o avrikidñipnaskero pravos andro avrikidñipen andro Senatos te jel aktivno, kappel, kaj o voličis te avel permanentno bešibnen andro priperibnaskero avrikidñipnaskero obvododos. O voličis, so hin zapisimen andro permanentno soznamos le voličengero pre la Čechikona republikaro them, šaj avka del lav andro avrikidñipen andro Senatos ča andro berš, kana o avrikidñipen ačhel andre leskero avrikidñipnaskero obvododos. **Te o voličis pes arakhel andro d'ives, kana o avrikidñipen ačhel, andro aver avrikidñipnaskero obvododos abo andre cudzini (phenas perdal hospitalizacija abo služebno drom), zavadzinel leske kada, kaj te šaj del leskero lav.** Kada na mol vaš le voličenge, so hine zapisimen andre osobitna soznami pre zaačhadutne abo konzularna uradi la Čechikona republikakere andre cudzini.

Dujto kereka le avrikidñipnastar andro Senatos

Te nisavo kandidatos na resela andre peršo kereka buter sar jepaš dine lava, nisavo kandidatos na ačhela avrikidlo u kerela pes e dujto avrikidñipnaskeri kereka. Andro dujto kereka kandidinen ča duj kandidati, so pes pro peršo kereka thaňarde pro perša duj thana. **E dujto kereka ačhela paraščovine andro d'ives 30. septembris 2022 le 14.00 orendar dži 22.00 ori the sombatone andro d'ives 1. oktobris 2022 le 8.00 orendar dži 14.00 ori.**

Te angle e dujto kereka le avrikidñipnastar o kandidatos mukhela leskeri kandidatura, našavela o čačipen kaj te ačhel avrikidlo, abo merela, džal andre dujto avrikidñipnaskeri kereka o kandidatos, so chudňa andre peršo kereka le avrikidñipnastar o trito than; andre ajsa pripados šaj e dujto kereka ačhel paraščovine le 7. oktobriste 2022 le 14.00 orendar dži 22.00 ori the sombatone le 8. oktobriste 2022 le 8.00 orendar dži 14.00 ori.

O voličis imar na resela o avrikidñipnaskere kartki (jon hine šiva) vaš o dujto avrikidñipnaskero kružkos anglal, aľe resela len direktnones andro avrikidñipnaskero kher le avrikidñipnaskere d'ivesende.

Aven ajse lačhe, dikhen pal aktualna informaciji angle e povinosťa te hordinel o arakhibnaskere prostredki vaš o nakh the vaš o muj. Arakhen tumaro sast'ipen the o sast'ipen avre dženengero u doľikeren o doporučena procivepidemicka zathovibena.